



Kementerian Pembangunan Wanita,
Keluarga dan Masyarakat



Jabatan
KEBAJIKAN
Masyarakat



SIARAN MEDIA

KEMENTERIAN PEMBANGUNAN WANITA, KELUARGA DAN MASYARAKAT

SUKARELAWAN MUDA MUDI PERLU KEMAHIRAN UNTUK MEMBANTU GOLONGAN YANG MEMERLUKAN

MELAKA, 6 OKTOBER 2011 - YB Senator Dato' Sri Shahrizat Abdul Jalil, Menteri Pembangunan Wanita, Keluarga dan Masyarakat, hari ini telah menyarankan agar sukarelawan muda mudi melengkapkan diri mereka dengan kemahiran yang bersesuaian dan semangat untuk menyumbang tenaga dalam membantu golongan yang memerlukan khususnya golongan sasaran KPWKM. Ini telah dinyatakan beliau ketika melancarkan Program Sukarelawan Muda Mudi Jiwa Malaysia di Hotel Avilion Legacy, Melaka hari ini anjuran Institut Sosial Malaysia (ISM) sebuah agensi di bawah Kementerian Pembangunan Wanita, Keluarga dan Masyarakat (KPWKM).

"Program ini dapat memberikan kemahiran dan kesedaran di dalam diri golongan belia mengenai peranan dan tanggungjawab sebagai seorang sukarelawan serta pendedahan untuk mengenali diri, memahami komuniti persekitaran ke arah menyumbang bakti kepada masyarakat dan negara." katanya lagi. Seramai 500 orang peserta program ini yang terdiri dari guru-guru pelatih Institut Pendidikan Guru, Kampus Perempuan Melayu Melaka telah digalakkan untuk merancang program sukarelawan di institusi kebajikan di Melaka seperti Rumah Budak Laki-Laki Durian Daun, Sekolah Tunas Bakti Sungai Lereh, Rumah Seri Kenangan Cheng, Kompleks Penyayang Alor Gajah dan Pusat Pemulihan Dalam Komuniti (PDK). Pada tahun 2010 seramai 1,672 orang sukarelawan telah dilatih oleh ISM.

Pada tahun ini, ISM telah menumpukan perhatian kepada melatih para sukarelawan di kalangan pelajar IPT dan IPTS melalui penganjuran Bengkel Kemahiran Sosial dengan sasaran pelatih seramai 1,000 orang.

Turut hadir di majlis pelancaran ini ialah Yang Berhormat Datuk Hjh Norpipah bt Abdol, Exco Kebajikan, Pembangunan Wanita dan Keluarga Negeri Melaka, Prof. Madya Dr. Mohammed Fadzil Che Din, Pengarah Institut Sosial Malaysia, Puan Hajah Noor Hayatee bt Md Noor, Pengarah Institut Perguruan Kampus Perempuan Melayu Melaka dan pegawai-pegawai kanan KPWKM serta agensi-agensinya di bawahnya.